

Broj: 01-9978-27/24
Dana, 13.01.2025. godine

Na osnovu člana 31. Statuta Univerzitetskog kliničkog centra Republike Srpske i člana 70. Zakona o javnim nabavkama BiH („Sl. glasnik BiH“, broj: 39/14, 59/22 i 50/24), donosim sljedeću

ODLUKU O IZBORU NAJPOVOLJNIJE PONUDE
(drugi izbor za Lot 11)

I

Na osnovu Prijedloga Komisije za provođenje otvorenog postupka, koji je objavljen na Portalu javnih nabavki broj: 1255-1-1-396-3-455/24 dana 06.08.2024. godine donio sam odluku da se kao najpovoljnija ponuda u postupku nabavke **potrošnog materijala za potrebe Zavoda za kliničku radiologiju** izabere ponuda ponuđača „**MARK MEDICAL**“ d.o.o. Sarajevo, Ul. Radenka Abazovića 5, za:

Lot 11: Potrošni materijal za Ulrich CT motion injector

II

Ovom Odlukom stavlja se van snage Odluka o izboru najpovoljnijih ponuda broj: 01-9978-12/24 od 03.12.2024. godine, u dijelu za Lot 11.

III

Za sprovođenje ove Odluke zadužuje se Služba za javne nabavke i praćenje realizacije ugovora.

O izvršenju ove Odluke odgovorna lica su obavezna da redovno informišu generalnog direktora.

Obrazloženje:

Nakon provedenog prvobitnog postupka pregleda i ocjene ponuda, utvrđeno je da je, po objavljenom otvorenom postupku za nabavku potrošnog materijala za potrebe Zavoda za kliničku radiologiju, ponuđač „**STEPMED**“ d.o.o. Banja Luka dostavio najpovoljniju ponudu u dijelu za Lot 11, te je Odlukom o izboru najpovoljnijih ponuda broj: 01-9978-12/24 od 03.12.2024. godine izabran kao najpovoljniji za navedeni lot.

Nakon obavještanja ponuđača o rezultatima postupka i dostavljanja Odluke o izboru najpovoljnijih ponuda broj: 01-9978-12/24 od 03.12.2024. godine svim učesnicima u postupku nabavke, ponuđač „**Mark Medical**“ d.o.o. Sarajevo je nakon izvršenog uvida u ponude dostavio Žalbu broj: 1055/24 od 19.12.2024. godine, izjavljenu na Odluku o izboru najpovoljnijih ponuda broj: 01-9978-12/24 od 03.12.2024. godine u dijelu za **Lot 11**.

Rješavajući po žalbi ponuđača „**Mark Medical**“ d.o.o. **Sarajevo** Ugovorni organ je utvrdio da je žalba **osnovana**.

Razmatrajući žalbene navode koji se tiču ponuđene stavke 1 iz Lota 11 iz ponude izabranog ponuđača „**Stepmed**“ d.o.o. **Banja Luka** i usklađenosti ponuđene robe sa zahtjevima iz tehničke specifikacije, ugovorni organ je u svjetlu istaknutih žalbenih navoda uvidom u spis predmeta utvrdio:

Ponuđač „**Stepmed**“ d.o.o. **Banja Luka** je za Lot 11, stavku 1, ponudio medicinsko sredstvo proizvođača Shenzhen Antmed Co. Ltd Kina koje je registrovano kod Agencije za lijekove i medicinska sredstva BiH. Ponuđeno crijevo kataloškog broja 807150 bi bilo ekvivalentno ulrichovom crijevu s kataloškim brojem XD2020, kako je to i navedeno na strani 70. ponude ponuđača „**Stepmed**“ d.o.o. **Banja Luka**. Na osnovu zvaničnog kataloga potrošnog materijala proizvođača Ulrich crijevo sa kataloškim brojem XD2020 je označeno kao kompatibilno sa injektorima XD200X serije (injektori pod nazivom: missouri, mississippi, ohio M, ohio tandem i 3T tennessee) dok isto nije kompatibilno sa novijom generacijom injektora CT Motion, a što je bio zahtjev iz tenderske dokumentacije.

Radi lakšeg razumijevanja, kada su u pitanju injektori proizvođača „Ulrich“, kataloški broj „XD2020“ se odnosi na crijevo za pumpu kompatibilno sa starijom generacijom injektora (XD200X injektori poput missouri, mississippi, ohio M, ohio tandem i 3T tennessee) i isto nije kompatibilno sa injektorom modela „CT Motion“.

U odnosu na prednje izneseno činjenično stanje, prilikom ponovnog pregleda ponude, polazeći od istaknutih žalbenih navoda vezanih za ponuđenu stavku 1 iz Lota 11 izabranog ponuđača „**Stepmed**“ d.o.o. **Banja Luka** ugovorni organ je utvrdio da je iste potrebno usvojiti kao osnovane.

S obzirom da je nakon razmatranja predmetne žalbe, ugovorni organ žalbu ocijenio kao **osnovanu**, po pravosnažnosti donesene odluke po žalbi, ugovorni organ je pristupio daljnim radnjama u postupku u skladu sa donesenom odlukom po žalbi, odnosno pristupio je ponovnom pregledu i ocjeni svih ponuda u dijelu za lot 11, a na osnovu kojih će donijeti odgovarajuću Odluku o rezultatima postupka nabavke u dijelu za naprijed navedeni lot.

Nakon rješavanja predmetne žalbe, u skladu sa usvojenim žalbenim navodima, a na osnovu rezultata ponovnog pregleda i ocjene svih ponuda u dijelu za lot 11, Komisija je ustanovila sljedeće:

- Ponuda ponuđača „**STEPMED**“ d.o.o. **Banja Luka**, **Ul. Prvog krajiškog korpusa 136** se odbija u dijelu za Lot 11 iz sljedećih razloga:

Ponuđač „**Stepmed**“ d.o.o. **Banja Luka** je za Lot 11, stavku 1, ponudio medicinsko sredstvo proizvođača Shenzhen Antmed Co. Ltd Kina s kataloškim brojem 807150 (XD2020), te za isto dostavio Potvrdu o upisu u Registar medicinskih sredstava.

Obrascem za cijenu ponude (Aneks 2 tenderske dokumentacije) za Lot 11. stavka 1. traženo je:

„Lot 11– Potrošni materijal za Ulrich CT motion injektor

Stavka 1. - Crijevo za rotacionu valjkastu pumpu, sterilno, namijenjeno za 24 satnu upotrebu. S ulazne strane crijevo treba da ima tri kraka sa šiljcima sa integrisanim zračnim filterima i zaštitnim kapićima na šiljcima, od toga dva bočna kraka su za boce s kontrastnim sredstvima, a srednji za fiziološki rastvor. Crijevo također treba da ima jedinicu za monitoring pritiska, filter za

*mikročestice, te izlaz sa Luer lock priključkom i zaštitnom kapicom. **Kompatibilno sa injektorom za CT kontrastna sredstva Ulrich CT Motion.***

Kako smo već naveli ponuđač „**Stepmed**“ d.o.o. **Banja Luka** je za Lot 11, stavku 1, ponudio medicinsko sredstvo proizvođača Shenzhen Antmed Co. Ltd Kina s kataloškim brojem 807150 (XD2020). Ponuđeno crijevo kataloškog broja 807150 bi bilo ekvivalentno ulrichovom crijevu s kataloškim brojem XD2020, kako je to i navedeno na strani 70. ponude ponuđača „**Stepmed**“ d.o.o. **Banja Luka**. Na osnovu zvaničnog kataloga potrošnog materijala proizvođača Ulrich crijevo sa kataloškim brojem XD2020 je označeno kao kompatibilno sa injektorima XD200X serije (injektori pod nazivom: missouri, mississippi, ohio M, ohio tandem i 3T tennessee) dok isto nije kompatibilno sa novijom generacijom injektora CT Motion, a što je bio zahtjev iz tenderske dokumentacije.

Radi lakšeg razumijevanja, kada su u pitanju injektori proizvođača „Ulrich“, kataloški broj „XD2020“ se odnosi na crijevo za pumpu kompatibilno sa starijom generacijom injektora (XD200X injektori poput missouri, mississippi, ohio M, ohio tandem i 3T tennessee) i isto nije kompatibilno sa injektorom modela „CT Motion“.

Imajući u vidu sve navedeno zaključuje se da ponuđeni potrošni materijal ponuđača „**Stepmed**“ d.o.o. **Banja Luka** nije kompatibilan sa injektorom Ulrich CT Motion za koji se nabavlja potrošni materijal kako je definisano u Lot-u 11, čime ponuđač nije ispunio zahtjeve tehničke specifikacije iz Obrasca za cijenu ponude (Aneks 2 TD).

Nakon rješavanja predmetne žalbe, u skladu sa usvojenim žalbenim navodima, a na osnovu rezultata ponovnog pregleda i ocjene ponuda svih ponuda u dijelu za Lot 11, utvrđeno je da je ponuda ponuđača „Mark Medical“ d.o.o. Sarajevo za izabrani lot prihvatljiva i sačinjena u skladu sa uslovima iz tenderske dokumentacije i na osnovu utvrđenog kriterijuma – ekonomski najpovoljnija ponuda (na bazi podkriterija *cijena – 80% i rok isporuke – 20%*), ocijenjena kao najpovoljnija, od ukupno dvije pristigle ponude za Lot 11 u postupku nabavke **potrošnog materijala za potrebe Zavoda za kliničku radiologiju, putem otvorenog postupka**, te je odlučeno kao u dispozitivu Odluke.

Detaljno obrazloženje sa ponovnom analizom i ocjenom pristiglih ponuda nalazi se u Zapisniku o ponovnom pregledu i ocjeni ponuda u dijelu za Lot 11, koji Vam dostavljamo u prilogu Odluke i čini njen sastavni dio.

Pouka o pravnom lijeku:

Protiv ove Odluke pravo žalbe ima svaki privredni subjekt koji ima ili je imao interes za dodjelu ugovora o javnoj nabavci i koji učini vjerovatnim da je bila ili mu je mogla da bude u konkretnom postupku javne nabavke prouzrokovana šteta zbog nezakonitog postupanja ugovornog organa, a koja se u žalbi navodi kao povreda Zakona i podzakonskih akata od strane ugovornog organa. Žalba se izjavljuje URŽ-u putem ugovornog organa, u pisanoj formi u roku od **deset dana** od prijema pisane Odluke o izboru najpovoljnije ponude na način predviđen članom 99. i sa sadržajem predviđenim članom 105. Zakona o javnim nabavkama BiH. („Sl. glasnik BiH“, broj: 39/14, 59/22 i 50/24).

Žalba uložena u prethodno navedenom roku sprečava ugovorni organ da zaključi ugovor o nabavci robe s najpovoljnijim ponuđačem.

DOSTAVLJENO:

1. Svim učesnicima
2. Sl. za JN i praćenje realizacije ugovora
3. Arhiva.

GENERALNI DIREKTOR,
Prof. dr. sc. med. Vlado Đajić

